



«ТАСДИҚЛАЙМАН»

Хоразм вилоят статистика  
бошқармаси бошлиғи

*С.Мадминов* Мадаминов Х.Б.

“04” 01 2018 йил

**Хоразм вилоят статистика бошқармаси ижтимоий соҳа статистикаси бўлими  
тўғрисидаги  
НИЗОМ**

**I-боб. Умумий қоидалар**

1. Мазкур Низом Хоразм вилоят статистика Бошқармаси Ижтимоий соҳа статистикаси бўлимининг (кейинги ўринларда бўлим деб аталади) мақоми, асосий вазифалари ва функциялари, ҳуқуқ ва мажбуриятлари, шунингдек, унинг фаолиятини ташкил этиш тартибини белгилайди.

2. Бўлим Ўзбекистон Республикаси Президентининг 2017 йил 31 июлдаги “Ўзбекистон Республикаси Давлат статистика қўмитаси фаолиятини такомиллаштириш чора-тадбирлари тўғрисида”ги ПҚ-3165-сон қарорига мувофиқ ташкил этилган ва Хоразм вилоят статистика бошқармаси (кейинги ўринларда бошқарма деб аталади) нинг таркибий бўлинмаси ҳисобланади.

3. Бўлим ўз фаолиятида Ўзбекистон Республикаси Конституциясига, Ўзбекистон Республикасининг “Давлат статистикаси тўғрисида”ги қонуни ва бошқа қонунларига, Олий Мажлиснинг норматив қарорларига, Ўзбекистон Республикаси Президенти фармонлари, қарорлари ва фармойишларига, Вазирлар Маҳкамаси қарорлари ва фармойишларига, “Хоразм вилоят статистика Бошқармаси тўғрисида”ги Низомга, мазкур Низомга, шунингдек бошқа қонун ҳужжатларига амал қилади.

4. Бўлим ижтимоий соҳа статистикаси масалалари бўйича фаолиятини Давлат статистика қўмитаси Ижтимоий соҳа ва барқарор ривожланиш статистикаси бошқармаси, бошқарманинг тармоқ бўлимлари ва туман статистика бўлимлари билан ўзаро ҳамкорликда амалга оширади.

5. Бўлим ўз фаолиятини Хоразм вилоят статистика бошқармаси бошлиғи раҳбарлигида амалга оширади.

**2-боб. Бўлимнинг вазифалари ва функциялари**

6. Қуйидагилар бўлимнинг асосий вазифалари ҳисобланади:

а) давлат статистикаси соҳасида ягона сиёсатни ишлаб чиқиш ва бажариш, статистикани ташкил қилишнинг самарали тизимини таъминлаш ва давлат статистикаси соҳасида мувофиқлаштириш ва функционал тартибга солиш соҳасида:

Давлат статистика ишлари дастури, Давлат статистика ишларини ишлаб чиқариш дастури, Хоразм вилоят статистика бошқармасининг иш режаларини ўз вақтида шакллантирилишида иштирок этиш;

Ўзбекистон Республикаси давлат статистика тизимини ривожлантиришнинг мақсадли дастурларини, Ўзбекистон Республикаси Олий Мажлиси палаталари қарорлари, Ўзбекистон Республикаси Президенти фармонлари, қарорлари ва фармойишлари, Ўзбекистон Республикаси Вазирлар Маҳкамаси қарорлари ва фармойишларининг ижросини таъминлаш юзасидан жорий ва истиқбол режаларини тайёрлашда иштирок этиш;

Ижтимоий соҳа статистикаси фаолиятини такомиллаштириш бўйича Давлат статистика кўмитасига таклиф бериш;

статистик маълумотлар фойдаланувчилари талабини ўрганган ҳолда узоқ муддатли мақсадлар ва йўналишлар бўйича статистик кўрсаткичларни жорий этиб бориш;

*б) халқаро стандартларга мувофиқ бўлган ягона статистика методологиясини ҳамда давлат статистика кузатувлари шаклларини ишлаб чиқиш, тасдиқлаш ва жорий этиш соҳасида:*

макроиқтисодий, тармоқ ва ҳудудий даражаларда ўрганилаётган ижтимоий-иқтисодий жараёнларнинг қамровини кенгайтиришга қаратилган статистика маълумотларини йиғиш ва қайта ишлашнинг замонавий методологияси ва методикаларини кенг жорий этиш йўли билан статистик кузатувлар тизимини умум қабул қилинган халқаро амалиётга янада мослаштириш бўйича ишларни ваколати доирасида амалга ошириш;

ижтимоий соҳа статистикаси бўйича амалга ошириладиган давлат ва идоравий статистика кузатувлари тизимини такомиллаштириш бўйича таклифлар бериш;

*в) ижтимоий-иқтисодий ҳодисалар, жараёнлар ва уларнинг натижалари тўғрисидаги статистик ахборотларни йиғиш, қайта ишлаш, тўплаш, сақлаш, умумлаштириш, таҳлил қилиш ва эълон қилиш соҳасида:*

ижтимоий соҳа статистикаси бўйича Давлат статистика ишлари дастурини, Давлат статистика ишларини ишлаб чиқариш дастурини, методологик ва ташкилий ишлар режа-жадвалларининг бажарилишини таъминлаш;

ижтимоий соҳа бўйича статистика ахборотларини йиғиш, қайта ишлаш, сақлаш ва нашр қилиш;

ижтимоий соҳа статистикасига оид давлат статистика ҳисоботларини электрон кўринишда, зарур ҳолларда қозғоқ кўринишида йиғишни, рўйхатдан ўтказишларни, бир марталик ҳисобга олишларни, сўровларни ва бошқа кузатувларни ташкил этиш;

ижтимоий соҳа статистикаси бўйича мамлакатдаги ижтимоий ҳодиса ва жараёнларнинг дастлабки статистик таҳлилинини олиб бориш;

хўжалик юритувчи субъектларга ижтимоий соҳа статистикаси бўйича ишончли давлат статистика ҳисоботларини тақдим этишда ҳар томонлама кўмаклашишни таъминлаш;

ижтимоий соҳа статистикаси бўйича статистика, ҳисобот кўрсаткичларининг ва ўтказилган танланма кузатувлар натижаларининг тезкорлиги, ишончлилиги ва ҳолислигини, статистик ахборотларнинг қулайлиги, очиқ-ойдинлиги ва ошкоралигини кенгайтириш бўйича чора-тадбирларнинг амалга ошириш;

ижтимоий соҳа ва барқарор ривожланиш статистикаси бўйича олинган статистика маълумотларининг махфийлигини, бирламчи ҳисобот маълумотларидан юридик шахсларнинг фаолиятини, бошқа хусусиятларини ёки миқдор кўрсаткичларини расмий

таъминлаш мақсадида фойдаланишга йўл қўймасликни, давлат сирларига эга бўлган статистика маълумотларининг ҳимоя қилинишини таъминлаш;

Ўз ваколати доирасида бўлим фаолияти жараёнида олинган хизмат, банк, тижорат сирларини ва бошқа махфий маълумотларни ўз ичига олган ахборотларни сақлаш ва ҳимоялашнинг тегишли тартибини таъминлаш;

г) белгиланган тартибда давлат органлари, юридик шахслар, халқаро ташкилотлар ва аҳолини статистика ахборотлари билан таъминлаш соҳасида:

фойдаланувчиларнинг кенг оммаси учун ижтимоий соҳа статистикасига оид статистик ахборотларнинг максимал даражада очик-ойдинлиги ва ошкоралигини таъминлаш;

оммавий ахборот воситаларида жойлаштириш учун ижтимоий соҳанинг ривожланиш тенденцияларини тавсифловчи таҳлилий маълумотлар ва докладлар тайёрлаш;

ижтимоий соҳа статистикасини тавсифловчи статистик ахборотларни тезкор ва сифатли тайёрлашни амалга ошириш;

Бўлим ваколати доирасида Ўзбекистон Республикаси Президенти ва Ўзбекистон Республикаси Вазирлар Маҳкамаси томонидан қабул қилинган қарорларнинг амалга оширилиши ҳолати тўғрисидаги йиллик статистик ва таҳлилий материалларни тайёрлашда иштирок этиш;

барча фойдаланувчиларга ижтимоий соҳа статистикаси бўйича очик статистик маълумотлардан фойдаланиш учун тенг имкониятларни таъминлаш;

фойдаланувчиларга ижтимоий соҳа статистикасига оид статистика кузатувлари ва расмий статистика ахборотлари масалалари бўйича ахборот-тушунтириш ишларини олиб бориш;

7. Бўлим ўз зиммасига юкланган вазифаларга мувофиқ қуйидаги функцияларни амалга оширади:

ижтимоий соҳа статистикаси бўйича давлат статистика кузатувлари шаклларини такомиллаштириш бўйича таклифлар тайёрлайди;

Давлат статистика ишлари дастури ҳамда Давлат статистика ишларини ишлаб чиқариш дастуридаги ижтимоий соҳа статистикаси бўйича белгиланган ишларнинг тўлиқ ва муддатларида бажарилишини таъминлайди;

жисмоний ва юридик шахсларнинг мурожаатларини, шу жумладан, электрон шаклда келиб тушган мурожаатларнинг тегишли қисмини кўриб чиқади ва улардаги масалаларни ҳал қилиш бўйича таклифлар тайёрлайди;

Бошқарма раҳбариятининг топшириқлари ва фойдаланувчиларнинг сўровларига асосан ижтимоий соҳа статистикаси бўйича маълумотлар тайёрлайди;

Туман статистика органлари ҳамда хўжалик юритувчи субъектларга статистик классификаторлардан фойдаланган ҳолда ишончли давлат статистика ҳисоботларини тақдим этишда методик ёрдам кўрсатади;

ижтимоий соҳа статистикаси соҳасидаги ижтимоий-иқтисодий ҳодисалар, жараёнлар ва уларнинг натижалари тўғрисидаги статистика ахборотларини йиғади, қайта ишлайди, умумлаштиради, дастлабки статистик таҳлилни амалга оширади ва эълон қилади;

ижтимоий соҳа статистикаси бўйича кўрсаткичларнинг ишончлилиги, ҳолиселигини ва комплекслилигини таъминлайди;

давлат органларини, юридик шахсларни, халқаро таъкилотларни ва аҳолини ижтимоий соҳа статистикасига оид статистика ахборотлари билан белгиланган тартибда таъминлайди;

Бўлим белгиланган тартибда ўзига юклатилган бошқа функцияларни ҳам амалга оширади.

### **3-боб. Бўлимнинг ҳуқуқ ва мажбуриятлари**

8. Бўлим ўзига юкланган вазифалар ва функцияларни бажариш учун қуйидаги ҳуқуқларга эга:

Бошқарманинг тармоқ бўлимлари ва туман статистика органларидан ўзига юкланган вазифалар ва функцияларни бажариш учун зарур материаллар ва маълумотларни белгиланган тартибда сўраш ва олиш;

ижтимоий соҳа статистикаси бўйича давлат ва хўжалик бошқаруви органларидан, фуқароларнинг ўзини ўзи бошқариш органларидан, банклардан, бошқа юридик шахслардан (зарур ҳолларда – уларнинг ваколатхоналари ва филиалларидан) белгиланган тартибда давлат статистика ҳисоботини олиш ҳамда ундан статистика мақсадларида фойдаланиш;

Хоразм вилоят статистика бошқармаси раҳбариятига ижтимоий соҳа статистикаси самарадорлигини ошириш юзасидан таклифлар киритиш;

давлат статистика кузатуви шаклларини ўзгартириш ва уларни тақдим этиш тартиби, давлат статистика кузатувларини ўтказиш усуллари, давлат ва хўжалик бошқаруви органларининг идоравий статистик кузатув шакллари бўйича таклифлар бериш;

Давлат статистика ҳисоботлари қамрови тўлиқлигини таъминлаш, йиғиш ва қайта ишлаш муддатларини қисқартириш бўйича чора-тадбирлар ишлаб чиқиш;

ижтимоий соҳа статистикасига оид олинаётган маълумотларнинг тўлиқлиги, ишончлилиги ва ҳолисоналигини экспертизадан ўтказиш;

бўлим фаолиятига тегишли масалалар бўйича конференциялар, семинарлар ва йиғилишлар, шу жумладан халқаро йиғилишларда, шунингдек халқаро лойиҳаларда иштирок этиш;

9. Бўлим қуйидагилар учун жавоб беради:

ўзига юкланган вазифаларни самарали ва лозим даражада бажариш;

ваколатига кирувчи таҳлилий ва бошқа материалларни юқори даражада тайёрлаш;

давлат статистикаси принципларига амал қилиш;

### **4-боб. Бўлимнинг тузилмаси**

10. Бўлим тузилмаси бўлим бошлиғи, бош мутахассиси ва етакчи мутахассисдан иборат.

11. Бўлимга Бошқарма бошлиғи ўринбосари раҳбарлик қилади.

12. Бўлим бошлиғи ва бўлим мутахассислари Бошқарма бошлиғи томонидан лавозимга тайинланади ва лавозимдан озод қилинади.

#### **5-боб. Бўлимнинг фаолиятини ташкил этиш**

13. Бўлим фаолияти Ўзбекистон Республикасининг “Давлат статистикаси тўғрисида”ги қонуни, Вазирлар Маҳкамаси томонидан тасдиқланган Давлат статистика ишлари дастури, Давлат статистика ишларини ишлаб чиқариш дастури, Хоразм вилоят статистика бошқармаси тўғрисидаги Низом, ушбу Низом, Хоразм вилоят статистика бошқармаси бошлиғи буйруқлари ва топшириқлари, шунингдек Хоразм вилоят статистика бошқармаси иш режалари, бўлимнинг иш режалари ва бўлим ходимларининг функционал вазифалари асосида ташкил этилади.

Ходимларнинг функционал вазифалари бўлим бошлиғи томонидан бўлинмага юкланган вазифалардан келиб чиққан ҳолда тайёрланади ва бошқарма бошлиғи томонидан тасдиқланади.

#### **14. Бўлим бошлиғи:**

бўлим ходимлари ўртасида вазифаларни тақсимлайди ва уларнинг ишини мувофиқлаштиради, бўлимга юкланган вазифалар ва функцияларнинг бажарилиши учун шахсан жавоб беради;

бўлим мутахассислари томонидан маълумотнома, таҳлилий, статистик ва бошқа материалларнинг, шунингдек бўлимга юкланган вазифалар бўйича маълумотларнинг сифатли ва ўз вақтида тайёрланишини ташкил қилади;

Бўлимнинг тасдиқланган тузилмаси ва штат жадвалига мувофиқ лавозимларга тавсия қилинган номзодлар, ходимларнинг касбий даражаси ва иш малакасини ошириш, уларни рағбатлантириш ва жазолаш чоралари бўйича таклифларни пухта ишлаб чиқади ва раҳбариятга кўриб чиқиш учун киритади;

Бўлимнинг иш режаси лойиҳасини ишлаб чиқади ва Бошқарма бошлиғига тасдиқлаш учун киритади;

ходимлар томонидан давлат ва тижорат сирига риоя қилинишини ҳамда бўлимга қирувчи материалларни ва бўлимдан чиқувчи материалларнинг нусхаларини сақланишини таъминлайди;

Бўлим ходимлари ўртасида вазифаларни тақсимлайди; вазифалар тақсимланишига мувофиқ бошқа функцияларни амалга оширади.

Хоразм вилоят статистика бошқармаси йиғилишлари ва мажлисларида, шунингдек бошқарма раҳбариятининг топширигига биноан бўлим тасарруфига қирувчи масалалар бўйича идоралараро ишчи гуруҳлар ва кенгашлар фаолиятида иштирок этади;

Бошқарма раҳбари ва унинг ўринбосарларининг топшириқларига мувофиқ таҳлилий ва умумлаштирувчи материалларни тайёрлайди, қўйилган вазифаларни янада самарали амалга ошириш бўйича таклифлар ишлаб чиқилишини таъминлайди;

Бўлим мутахассисларига ижтимоий соҳа тармоқлари статистикаси бўйича, нотижорат ташкилотлари фаолияти, маданият ва туризм соҳаларида статистик кузатувлар, таълим, соғлиқни сақлаш, фан ва инновация соҳаларида статистик кузатувлар бўйича маслаҳат ва услубий ёрдам кўрсатади;

Хоразм вилоят статистика бошқармасининг ва бўлимнинг жорий ва истиқбол иш режаларига мувофиқ бўлим ваколатига кирувчи масалалар бўйича таҳлилий ва бошқа материалларни ўз вақтида, тизимли асосда тайёрланишини таъминлайди;

норматив-ҳуқуқий ҳужжатлар, режалар ва дастурлар лойиҳаларини ишлаб чиқиш ва экспертиза қилишда, шунингдек уларнинг давлат статистикасига тегишли қисмини ижро этишда иштирок этади;

Бўлим ишининг самарадорлиги даражасини ошириш ва кадрлар билан тўлдириш чораларини кўради;

Бўлим кадрлари захирасини шакллантиришни ва янгилашни, кадрлар захирасига киритилган шахслар билан тизимли ишларни ташкил қилишни таъминлайди;

Бўлим ходимлари билан юклатилган вазифалар, кирувчи ҳужжатларни назорат қилиш ва тажриба алмашиш масалалари юзасидан йўриқнома бериш бўйича йиғилишлар ўтказади;

иш юритишни олиб бориш, топшириқларни ўз вақтида ижро этилишини қатъий назорат қилиш бўйича ишларни ташкил қилади, ходимлар томонидан хизмат ҳужжатлари билан ишлаш ва уларни саклаш бўйича ишларнинг белгиланган тартибига амал қилинишини таъминлайди.

15. Бўлим бошлиғи вақтинчалик бўлмаган тақдирда унинг вазифасини – бўлим бош мутахассиси бажаради.

#### **16. Бўлим бош мутахассиси:**

функционал вазифаларига мувофиқ маълумотлар, таклифлар ва ҳужжатлар лойиҳаларининг сифатли, ишончли ва ўз вақтида тайёрланиши учун шахсан жавоб беради;

амалдаги статистика методологиясини такомиллаштириш ва статистик инструментарийни тайёрлаш бўйича таклифлар тайёрлайди;

функционал вазифаларига кирувчи масалалар бўйича бошқарма тармок бўлимларига ва туман статистика органларига маслаҳат ёрдами кўрсатади;

туман статистика органлари фаолиятини комплекс ва мақсадли ўрганишларда иштирок этади;

бўлим бошлиғининг топшириғига мувофиқ жисмоний ва юридик шахсларнинг мурожаатларини, шу жумладан электрон шаклдаги мурожаатларни, кўриб чиқиш учун зарур материалларни тайёрлайди, уларда кўрсатилган масалаларни ҳал қилиш бўйича лойиҳани тайёрлайди;

рахбариятнинг топшириқларига мувофиқ жорий ишларни бажаради;

касбий малака даражасини тизимли равишда ошириб боради;

жамоанинг меҳнат фаолиятида фаол иштирок этади;

вазифалар тақсимланишига мувофиқ бошқа функцияларни амалга оширади.

#### **17. Бўлим етакчи мутахассиси**

давлат статистика ҳисобот шакларини маълумотларини йиғиш, умумлаштириш, таҳлил этишда иштирок этади;

ижтимоий соҳа статистикаси бўйича динамик қаторларни юритади;

ижтимоий соҳа статистикасига оид дастлабки маълумотларни йиғади, таҳлил этади ва умумлаштиради;

ижтимоий соҳа статистикаси бўйича статистик тўпламлар учун маълумотлар тайёрлашда иштирок этади;

замонавий ахборот технологияларидан самарали фойдаланган ҳолда, иқтисодий-математик усулларда ижтимоий соҳа статистикасига оид кўрсаткичларни доимий равишда мантикий таҳлил қилишда иштирок этади;

раҳбарият топшириқлари ижросини таъминлайди.


вазифалар тақсимланишига мувофиқ бошқа функцияларни амалга оширади.

Бошқарма бошлигининг  
ўринбосари



А.Рахимов

Бошқарма юрисконсульти



У.Бекдурдиев

Бўлим бошлиғи в.б



К.Атаева